

դադեկնացիև որուն ընկերներն են միւս Մարիամը՝ որ կ'ըսուի Մարիամ Յակոբայ Սողոմէ՝ մայր որդւոցն Զեբեդեայ. Յովնաննա՝ Հերովդէսի հազարագետ Քուզայի կինը, նաև Շուշան և ուրիշներ որ կը ծառայեն Յիսուսի: Ասոնք էին որ օժեցին եւ խնկեցին Յիսուսի մարմինը, միաշարժի օրը արևազալին գացին գերեզման: Յարուցեալ Յիսուս երեցաւ Մարիամ Մագդաղենացիին ու այս վերջինը գնաց պատմեց անոնց՝ որ կու լային և կը սգային: Յարուցեալ Յիսուս երեցաւ նաև Իւղաբեր կանանց ու ըսաւ. «Ողջ էք, եւ նոքա մատուցեալ կալան զոտս նորա եւ երկրպագին նմա» (Մատթ. ԻԲ. 9-10): Իւղաբեր կանանց եկեղեցիին պատմութեան և նկարագրութեան մասին տեսնել Հ. Վ. Ե. (էջ 167-172):

Իւղաբերից եկեղեցիին հին աւանդութիւններէն կը յիշուին հետեւեալները: 1484ին երբ Փելլիքս Փապրի կ'այցելէ այս սրբավայրին տեղը՝ որ իսլամական տան մը վերածուած էր, կը գրէ. «Երբ Ս. Յակոբի վանքէն դուրս ելանք, փողոցին երկարութեամբ գացինք և մեր ճամբուն վրայ գտանք մեծ քար մը: Հին քրիստոնեաները այդտեղ դրած էին զայն, որովհետեւ հոն ետեցած էր Տէրը Իւղաբեր կանանց՝ երբ անոնք ետ կը դառնային գերեզմանէն, և ըսած անոնց «Ողջ էք. և նոքա մատուցեալ կալան զոտս նորա և երկրպագին նմա»: Հոն մենք ալ խոնարհեցանք եւ համբուրեցինք այն հողը որուն վրայ Տէրը կոխած էր: Երբեմն հոն շինուած էր եկեղեցի մը զոր Սարակինոսները քանդեցին, ինչպէս նաև ուրիշ եկեղեցիներ: Այս քարին քովի ճանապարհը կը տանի դէպի Ս. Գերեզման. ուխտաւորները միշտ այս տեղէն կ'անցնին հոն երթալու համար. ես ալ գրեթէ օրը վեց անգամ